



Гариблигда гурбат ичра колдим мано...
Ахмад Яссавий

Тасаввуф шеърияти — инсоннинг руҳий хаёти, юксак ва мураккаб психик холатларини чукур тадқик этган шеърият. Унда Шахснинг илохий туйгу ва кечинмалари образли таҳлил килинган, мутлак ҳакикатга эришиш боскичларидағи сирли ҳаёллари тасвирланган. «Кўнгил — диннинг моҳиятидир», дейди Людвиг Фейербах. Тасаввуфда Кўнгил — ҳакиқий ишкнинг моҳияти. Маълумки, сўфийлар одамларни ахлок ва хиссиётларига караб уч тоифага ажратганлар. Биринчи тоифа — нафс бандалари. Булар ўз нафсу хирсларига маглуб гофиllар. Алишер Навоийнинг мана бу сўзлари ана шундай кимсаларга карата айтилган:

Хирс оғатини нафс хавоси билгил,
Кўймок ани нафс муддаоси билгил.
Нафсингта алам хирс балоси билгил,
Кечмак мундин аниңг давоси билгил.

Иккинчи тоифа — калб одамлари. Булар онг ва идроки ривожланган, худога анча якин огох зотлар. Улар тавба килишган. Сидқ, сабр, каноат, таваккал, тўгрилик талабларини оғишмай бажа-рувчи бу кишилар:

Жуз ҳақдин аниңгки бўлса огохлиги,
Уммиди эрур гояти гумрохлиги,—

деган эътиқод билан яшаб ўтишган. Учинчи тоифа — Рух одамлари. Булар туну кун дийдор дарди-да ёниб, хамма жой ва хамма нарсада Хакнинг нури жамолини кўрадилар. Юнус Эмро уларнинг нуктаи назарини ифодалаб:

Хак нури ошиклари хардам нузул эмасми,
Кима нузул бўлмаса, ишқдан малул эмасми,—

дейди. Тасаввуф шеъриятида такрор-такрор тилга олинадиган Гариб хам кейинги гурухнинг вакилидир.

Е. Э. Бертельс «Навоий ва Аттор» номли маколосида тасаввуф «мустакил тафаккурга мойил кишиларнинг диккатини жалб этарди», деб таъкидлаган. Алишер Навоийнинг тасаввуф таълимотига доир шеърларида хам кўнгли эркин, руҳий хурликка илҳак, макон ва замон, жамият ва муҳит чегараларидан нихоятда баланд кўтарилигани орифларнинг ахлокий, фалсафий, илохий тушунчалари кенг ёритилган. Е. Э. Бертельснинг айтишича, Алишер Навоий ўз ижодиётида «тасаввуфнинг бутун ахлокий жихатларини камраб» олиб, «такдир маҳкум этган муҳитдан алокасини узмаган бўлса-да», тасаввуфнинг «сўнгги максадларини бир идеал тарзда» олдига кўйган эди. Бизнингча, шу идеалга алокадор шеърлардан бири — «Гурбатда гариб шодмон бўлмас эмиш» мисрали машхур рубоийдир. Уни ёшу кари — деярли хаммамиз ёд биламиз. У ўрта мактаб ва олий ўкув юрти дарсликларидан муким ўрин олган. «Ватан адабиёти»да (6-синф дарслиги) рубоий тўгрисида бундай дейилган: «Шоирнинг энг гўзал рубоийларидан бири «Гурбатда гариб...» рубоийсидир. Ватан муҳаббати бу рубоийнинг асосий гоясидир. Бу гояни шоир гоят гўзал бадиий маҳорат билан яратади, яъни шоир «Гурбатда гариб...» рубоийсини яратар экан, у бу рубоийни бевосита ўз бошидан кечирган хаётини воеалар билан бөглайди ва умумлаштиради. Навоий гоҳ Астрободда, гоҳ Самарканда, гоҳ Балхда бўлди. Бу дарбадарлик шоирнинг ижодига кучли таъсир этади ва мазкур рубоийни яратади». Тахлилдаги тил нўноклиги ва ифода гализлигига карамасдан, рубоий ўкувчиларга «ватанпарварлик билан сугорилган чукур мязмунли шеър» деб тушунирилади.

Натан Маллаевнинг «Ўзбек адабиёти тарихи» (олий ўкув юртлари учун) дарслигига хам мазкур рубоий «ватанпарварлик ва эркесварлик гояси» куйланган шеър сифатида баҳоланган.

Рубоийнинг ёзилиш тарихи, гоявий-бадиий хусусиятлари бир катор адабиётшунослар томонидан ўрганилган. Навоийнинг ilk девонидан у мана бундай кўринишда ўрин олган экан:

Гурбатда гариб шодмон бўлмас эмиш,
Эл анга рафику меҳрибон бўлмас эмиш.
Олтун кадаҳ ичра гар кизил гул бутса,
Булбулга тикандек ошиён бўлмас эмиш.

«Хазойинул маоний»даги вариантда иккинчи сатрдаги «рафик»—«шафик», учинчи катордаги «кадах»—«кафас»га алмаштирилган:

Гурбатда гарип шодмон бўлмас эмиш,
Эл анга шафику меҳрибон бўлмас эмиш.
Олтун кафас ичра кизил гул бутса,
Булбулга тикандек ошиён бўлмас эмиш.

Тахрирга сабаб нима? Саволга таникли олим Екубжон Исхоковнинг «Навоийнинг ilk лирикаси» китобида жавоб бор: «Биринчидан, дастлабки вариантда «рафик» ва «меҳрибон» сўзлари уюшик бўлак бўлиб келган. Вахоланки, бу икки сўз икки хил тушунчани билдиради, уюшик бўлак бўла олмайди, балки «рафику меҳрибон» (меҳрибон ўртот) тарзида ифода бўлиши мумкин. Шунингдек, рафик (ўртот, дўст) бўлмаган одамнинг меҳрибон бўлмаслиги ўз-ўзидан маълум ва бу таажжубланарли хол эмас». Олимнинг хукмига кўра, бир-бирига мос тушунчаларни ифода килувчи сўзларни уюшик бўлак килмаслик «автор услубидаги чалкашлиядан иборат бўлиб, у кейин тузатилган. Шеър таркибидаги сўз ўзгартирилиши, албатта, ўзини оклаган. Лекин тахрирда Алишер Навоий «уюшик бўлак» хусусида ўйлаганмикин? Бизнингча, «рафик»нинг «шафик» сўзига алмаштирилиши бошка сабабга boglik. Буни Гарип характеристининг ички мантиқидан ахтариш керакка ўхшайди.

Ёкубжон Исхоков ўз даъвосини далиллашда давом килади: «Иккинчидан, шоир, ўзининг гарибликдаги оғир хаёти, ўз ватанига бўлган иштиёки ва интилишини кучайтириб бериш максадида, киёслаш сифатида, кейинги байтни келтиради: ватандан жудоликни булбулнинг гулзордан ажралишига ўхшатади. Ана шу байтдаги «олтун кадах ичра кизил гул бутмок» мисраси муболага сифатида кўлланилган бўлиб, биринчи байтдаги мазмунни кучайтириш, бўрттиришга хизмат килади: гул «олтин кадах» («тувак, коса») да ўстирилса хамки барибир булбулга гулзордаги тиканлар каби азиз ва кадрдон бўлмайди. Демак, гурбатдаги инсон учун ўз ватанининг бир сиким тупроги хар кандай бойликтан азиз ва кадрлидир». Энди тадқикотчининг хulosasi сўзларини тингланг: «...биринчи вариантда жой тушунчаси, яъни, ватан ва гурбат образларини бир-бирига карама-карши кўйиш ва ватанинни улуглаш авторнинг диккат марказида турган. Бу хакда ўзининг хаётий тажрибаси ва мушохадалари асосида умумлашган фалсафий хulosasi чикарган. Бирок дастлабки вариантда хали туткунлик тушунчаси йўқ эди. Кейинчалик «кадах» сўзини «кафас» билан алмаштириш натижасида шеърга туткунлик тушунчаси хам кўшилган». Дастрлабки вариантда хам туткунлик тушунчаси бўлган. Шунингдек, «ватан ва гурбат образларини бир-бирига карама-карши» кўйиб ватанинни улуглаш шоирнинг диккат марказида турмаган.

Алишер Навоий Ватан сўзини географик маънода, яъни, туғилиб, ўсиб-улгайган жой мазмунида кўп маротаба тадбик этган. Масалан, шоир устоди Сайид Хасан Ардашерга ёзган шеърий мактубида:

Ки бўлмок ватан ичра душвор эди,
Кўнгулга жафо дафъи озор эди,—

деркан, она шахри Хиротни эътиборга олган. Устод Максуд Шайхзода айтганидек, Навоий «хатто Хурросон салтанатининг йирок вилоятлариға борганда хам ўзини «гурбатда» хис этган», Рубоийга шу нуктаи назар билан ёндашилганда, Ёкубжон Исхоковнинг «Навоий 1465—66 йилларга кадар, асосан, Хирот ва Машҳадда яшаган. Шеърдаги «гурбат» сўзидан кўриниб турибдики, бу шеърни у ўз ватани Хиротда эмас, балки гурбатда — мусофириликда, демак, Машҳадда ёзган бўлиши керак», деган фикрлариға, бир карашда, асло шубҳаланиб бўлмайди.

«Навоийнинг ўз тугилган она шахри Хиротдан, кавму кариндошларидан узок Машҳадда кечирган йиллари анча машаккатли бўлган бўлса керакки,— дейди профессор Абдуқодир Хайитметов,— у «Мажолисун нафоисмда у йилларни эслаб ўзини «гариб» деб атайди ва касал бўлиб колганда «бир буқъада йикилиб» колганини айтади».

Тадқикотчининг тахминича, рубоий «шу вактларда (яъни Машҳадда — И. Х.) ёзилган бўлса ажаб эмас». Демак, «гурбат» ва «гариб» тўртликдаги «белги» сўзлар бўлиб, рубоийнинг яратилган вакти, бош гояси ва лирик каҳрамоннинг кайгули холатини англашга «очкичидир. Дарҳакикат, худди шундай.

Гурбатда гариф шодмон бўлмас эмиш.

Шу мисранинг ўзи гўё тугал мазмунли шеър. Уни ўқиган захоти, ютидан йироклардаги кишининг кисмати тасаввурда кариб тўла жонланади. Ватандан жудолик—гурбат. Гурбатда яшаш — гариблиқ. Гариф — шодлиқдан маҳрум бир бечора. Рубоийнинг охирги байтидаги образли киёс Ватан ва фарзанд ўртасидаги бөгликлекни чукур исботлайди. Аммо шуни хам унутмайликки, гурбатнинг кафаслиги, гарифнинг кизил гул ўсган олтин кафасдаги булбулга монандлиги, булбул ўз тиканли ошёнини севганидек, инсоннинг хам ўз жонажон ютига мухаббат кўйиши, ватанпарварлик гояси — буларнинг барчаси бизнинг хаёл ва тасаввуримиз оркали тўкилган фикрлардир. Балки «гурбат» биз ўйлаган жудолик дардидан бошка нарсадир? «Гариф» хам ўзгача маслакдаги гарифдир. Шундай бўлиши мумкинми? Албатта, мумкин!

Шеър ички сир ва бойлигини канча узок муддат яширин саклай олса, ўшанча яхши. Баъзан шундай хам бўлади: кандайдир бир шеър хакида кўп гапирилади, ёзилади. Ва ўкувчиларда ўша шеър багрида нималардир хамон сир ётганлигига шубха колмайди. Бундай тургун муносабат — чинакам шеърни тахкирлашдир. Хакикий шеърнинг гоявий таркиби камида икки ёки уч маъно катламидан иборат бўлади. Бу жихатдан Шарқ шеърияти жаҳон адабиётида ўрнак кўрсатган. Гарб санъаткорларидан бири шеърдаги илк маънони Жаноби Биринчи Мусофири деб атаган экан. Шу Мусофирига ўкувчини

юзластириш, шу Мусофириң ахвол-рухиясини англатиш учунгина шеър ёзилмайди. Кўп маъноли шеър кандай яратилади? Мажозга асосланиб, дейди Р. Барт. Г. Рикёрнинг таъбирича, мажозий моҳиятлар эса дастлабки маъно оркали, унга суяниб кашф килинади. Тасаввуф шеъриятида ахвол сал бошқачарок. Унда мажоз бош максадга бамисоли бир «пардавдир. Шу боис шоирнинг ўзи учун ташки маъно фавкулодда ахамият касб этмайди. Уни мажозий фикр заминида маъно дурларини бекитиш жиддий кизикириди. Навоийнинг рубоийсида хам мазмун икки катламли.

Е. Э. Бертельс нашрга тайёрлаган «Миръоти ушшок» номли тасаввуф лугатида: «гурбат — жонон харамидан дилу жоннинг йироклашуви; поклик оламидан ажралиб нафсу шарни якин билмок», — деб шархлаган. Сайид Сажжодий «гурбатини куйидаги тарзда таснифлайди:

1. Ватандан жудолик гурбати.

2. Жохил ва фосик кавм орасида мажбуран, яъни, гайри ихтиёрий равишида ўтирган одам гурбати.

3. «Гурбат Ҳак талаби бўлиб, бу — орифнинг гурбати, зоро орифнинг химмати маъруфдурки, у охират ахли орасида хам гарибдур». Чунки, ориф «Ҳалқ орасида аниссиз бўлинг!» деган даъватларни хам асло ёддан чикара олмайди. Навоий рубоийсида илгари сурилган ботиний мазмун орифнинг гурбатидир. Навоийнинг газалларидан бирида:

Танимга чоклар очти, не айб, агар ўлсам,
Ки рух булбулининг лойики эмас бу кафас,
дейилган. Ўз вужудини кафас сезган гариб, гунох ва мусибатларга тўла оламни «рух
булбулининг кафаси деб англағанлиги шубҳасиздир. Тасаввуф таълимотида гарибнинг илохий эрки — «Аналхак»лик. Ана шу хурликка етишгунча у гурбатда яшайди, гурбатдан тинимсиз азоб чекади. Бу фикрга янада ишонч хосил килиш учун рубоийнинг иккинчи сатри устида андак мушоҳада юритиш кифоя.

Эл анга шафику меҳрибон бўлмас эмиш.

Гарига-я? Нечун? Мусофирига меҳрибонлик кўргаза олмайдиган «эл» канака эл?
Наҳотки, гарип «эл ямони» бўлса? (Навоийнинг «Эл кочса бирордан эл ямони бил они...» сўзларини эсланг,) Йўқ, гарibu мусофириларга хамма вакт ва хамма жойларда харкалай «шафику меҳрибонлар топилган. Колаверса, Навоий ўз диёри ахлидан етган жавру зулм олдида ўзга юртлардаги гарибликни фожиа хисоблайвермаган:

Ўз диёринда гарип элдин етар чун жавру зулм,
Эл диёринда гарип ўлмоглигим эрмас гарип.

«Гарип эл» ким? Жавру зулмга мохир, онги заиф, идроки юпун гумроҳлар тўдаси. Булар билан чин гариблар сийратида мутлако якинлик йўқ.

Тасаввуф ахлоки бўйича, кимларнингдир шафкату мурувватига мухтоҷлик сезган гарип — гарипмас. Бунинг акси ўларок, гарига эҳтиромсиз кимсалар кўнгли каттиқ, берахм халойик сифатида айланганлар. Ахмад Яссавий бир хикматида «Уммат бўлсанг гарибларга тобе бўлгил», деса, бошка бирида «Окил эрсанг гарибларни кўнглин овла»,

дека чорлайди. Лекин энг окил одам хам Гарибнинг кўнглини овлаши душвордир. Сабаб? У айтган эмиш: «Бир кун борур эрдим, бир йигит кўрдумки, анда шўре бор эрди. Дедим, кайдин сен, эй гарип. Деди: «Гарипму билур улки, анинг била мувонасате (дўстлашиш, якин муносабатда бўлиш) бўлгай?» Гарибнинг бу гали Зунун Мисрийга шу даражада каттик таъсир килибди, у кичкирганича хушдан кетибди. Ўзига келгач, гарип ундан «Санга не бўлди?»— деб сўрабди. Зунун Мисрий ўшанда «Дору дардга мувофик тушти», деб жавоб кайтарган экан.

Бирор бир дарвишнинг ёнига келиб «Нечун ёлгиз ўлтирибсен?»—дебди. Дарвиш айтибди: «Энди ёлгиз бўлдумки, сен келдинг ва манга Хакдин монеъ бўлдинг...» Ана шу дарвиш том маънодаги гарипбур. Гарип нима истаса маъшуки азалдан тилайди. Вужуди мутлак унинг танҳо Дўсти. «Бегона эл била сухбат тута» олмаслик гарибликнинг характерли аломати. Шунинг учун Навоий «рафик» сўзининг жойига «шафик»ни танлаган эди. Бундан ташкари, шоир «эл анга шафику меҳри-бон бўлмас эмиш», деганида янги бир хакикатни гавдалантиргмаган. Балки гарип табиати ва гариблик фалсафасининг бир киррасига эътиборни каратган. Чунки Шарқ тасаввуф адабиётида, жумладан, Ахмад Яссавий хикматларида хам ушбу масала ёритилган. Яссавий айтади:

Гариблигда юз йил турса, эрур меҳмон,
Тахту бахту бўстонлари эрур зиндон.

Бу «зиндонянинг иккинчи ва тасаввуфда оммалашган номи гурбат бўлиб, Ахмад Яссавийнинг «Гариблигда гурбат ичра колдим мано», дека ох чекиши тасодифий эмас. «Гурбатда гарип шодмон бўлмас эмиш»— Яссавий баёнидаги хакикатнинг янгича тасвири хамда тасдигидир.

Ўзбек халк маколида «Гарибнинг кўнгли — тангрининг уйи», дейилган. Гарибнинг кўнгли илохий ишк бўстони. Гарибнинг ботиний завқидан «еру кўклар наво» килади. Сайёдий «Тохир ва Зухра» достонида «Бу дунёда на мушкулдур гариблик, Ажойиб турфа бедилдур гариблик», деган. Гарип мусоғир бўлмасдан, юртида шох бўлган дейлик. Нима ўзгаради? Сайёдий тўгри шархлаган:

Агарчи ўз еринда шох бўлса, Мусоғир бўлса, бир кулдур гариблик.

Бирок бу куллик — шохликдан устун куллик. Чини билан ажойиб, турфа «куллик». Мана шунинг учун Ахмад Яссавий, «Худойига гариблар билгулукдир», деб ваколат берган.

Хараконийнинг «Нур — ал улум» асарида ўқиймиз: «Сўрадиларки, гарип кимдур. Деди: Тани бу жаҳонда гарип киши гарип эмасдур. Балки дили вужудида, сири дилида гарип бўлганлар гарибдур. Сўрадиларки, унинг дўстлари кандай фазилатли кишилар? Деди: дунё дўстлигидан дили фориг бўлганлар».

Калби вужудида, сири кўнглида гарип бўлган ана шу қаҳрамон олий орзу ва самовий туйгулар огушида яшайди. У дунёпаст ножинслардан, имони суст лаймлардан, «маҳлук хизматига камар» боялаган таъмагир ва хушомадгўйлардан узлатга чекинади. Лекин у бу чексиз оламнинг тенгсиз гўзаллигидан хайратланиш, маърифат баҳрига чўмишдан чекинмайди. Тасаввуф ахлокида гариблик туйгуси шундай бир ички «кальяидурки, унда ишк, имон, поклик, гурур, донолик каби ўнлаб камёб инсоний хислатлар даҳлсиз

асралади. Бу «калья» кўнгулни бидаът ва хурофтдан муҳофаза этади. Гарип ташки дунёга ўз ички имтиёзи ва эҳтиёжларидан келиб чикиб нигоҳ ташлайди. Уни ҳаммадан ортиқ «олам уйи»нинг торлиги, унда майда гавголарнинг кўплиги кийнайди. У «Ҳакикатда ҳакикатдан ўзга яна қандай максад бўлиши мумкин», деб ўйлади. У ботиний дунё комиллиги учун зохирӣ дунёдаги ранж ва аламларни сабр билан бошдан кечираверади. Шу боис Захириддин Мухаммад Бобур ўглига:

Бил, гарип, улдурки гурбатда,
Кун кечиргай азобу шиддатда,

деган эди.

Шундай килиб, рубойдаги иккинчи маъно катлами биринчисидан фарқ килади, бирок уни инкор этмайди. Алишер Навоийнинг санъаткорлиги хам мана шунда.

Иброҳим Ҳаккул